

詣佛所頭面著地禮佛雙足并苾芻眾各敬
禮已右繞七匝還住佛前合掌諦誠聽受正
法時彼世尊無邊功德寶眾莊嚴王如來知
彼持國轉輪聖來佛會中樂欲聽法佛即如
應為說妙法示教利喜佛言大王汝今當知
有四種法若如理修行者即能安住大乘趣

向勝道所有善法而無壞失何等為四大王
一者信法能向勝道復何名信謂有信故而
能隨順諸賢聖種所不應作而悉不作二者
尊重能向勝道以尊重故於諸聖者所說妙
法而能聽受諦受法故耳無外聽三者無慢
能向勝道以無慢故即能於彼一切賢聖恭
信頂禮四者精進能向勝道以精進故若身
若心悉得輕安所作善法皆能成辦大王此
等四法若如理修行者即能安住大乘趣向
勝道

佛說如來不思議秘密大乘經卷第四

丁四

七末

佛說如來不思議秘密大乘經卷第五 丁五

要譯經三藏朝散大夫試光祿卿傳梵大師賜紫沙門日蓮奉詔譯

持國輪王先行品第五之餘

復次大王有四種法若圓滿者即能安住大
乘成就不放逸行心無流散何等為四一者
戒護諸根二者觀欲過失二者攝受一切作

丁五

無常想四者於法決定為勝命根大王如是
四法若圓滿者即能安住大乘成就不放逸
行心無流散大王有四種法王者修行若具
足說名仁王何等為四一者常不棄捨大菩
提心二者以菩提教示佗人三者以諸善根
迴向菩提四者於佛世尊大威德力若見聞
已亦復於彼一切天人聲聞緣覺所有威力
生歡喜心然即唯求佛大威力大王如是四
法王者修行若具足者說名仁王是故大王
應當常修不放逸行信心清淨忻慕正法起
樂法欲勤求正法常當遊戲正法園苑不著
境界所以者何大王當知欲無厭足彼所足

者是謂聖慧又復大王壽量微妙不久停
 往趣他世罪業可怖由是應知常當親近供
 養恭敬諸佛如來以此善根應於四處而用
 迴向何等為四一者迴向無盡果報二者迴
 向無盡法門三者迴向無盡妙智四者迴向
 無盡辯才大王復有四法一者身清淨故能

成慧行二者語清淨故能成聞行三者心清
 淨故能成戒行四者慧清淨故能成智行復
 有四法一者方便圓滿故能成熟有情二者
 慧圓滿故能降伏諸魔三者願圓滿故即如
 說能行四者值遇佛故即得一切佛法圓滿
 時彼持國轉輪聖王於彼佛所得聞正法示

教利喜生歡喜心適悅慶快持以無價真珠
 妙寶及王者所有一切受用悉以獻佛而為
 供養乃至盡壽修諸梵行奉持五戒是時王
 諸宮嬪於彼佛所聞正法已心大適悅踊躍
 歡喜各以身所著衣莊嚴具覆於佛上乃至
 盡壽修諸梵行奉持五戒悉發阿耨多羅三

藐三菩提心

時持國轉輪聖王快得善利增益法財已與
 諸宮嬪眷屬各各至誠頂禮佛足及苾芻眾
 亦悉禮敬繞七匝已即時入於大樓閣中踊
 昇虛空自在而行還極清淨大國城中
 復次持國轉輪聖王於後一時擇月圓日嚴

十五

二

中

駕出遊眾花大園而為翫賞鼓吹清音奏妙
 歌樂恣其所樂嬉戲遊從是時有二最上宮
 女一名無毀二名無比同詣歡喜池中清淨
 澡沐出已衣覆處于蓮花師子之座是二宮
 女即於座中各有一童子自然化生加趺而
 坐童子端嚴色妙無比相好圓具人所樂觀
 於刹那間即各踊身住於虛空是時空中有
 賢聖言此二童子一名法思一名法慧故此
 二名由斯而立彼法思童子於其無毀宮女
 坐中化生彼法慧童子於其無比宮女坐中
 化生時二童子在虛空中亦加趺坐異口同
 音說伽陀曰

仁者我今得善利
既發心已遇世尊
大海深廣難徹底
有情廣渡生死流
有世界各無毀身
我從彼來求法門

所謂發生菩提心
起清淨心而信禮
生死輪轉無休息
彼菩提心不捨離
有世尊名時分王
樂見牟尼功德聚

我時各各加趺坐
我父持國大聖王
願父伺察聽我說
乃至圓成大菩提
一切唯佛出世難
法中善友刹那逢

分從二母坐中生
故來合掌伸敬禮
阿度多劫善得法
所得於中不棄捨
父母難得居法位
清淨妙寶隨意現

欲及精進不放逸
勤修利益心調柔
慈悲調寂為有情
精進勤力無著心
心離相故得調暢
思惟正法如救然

出家得利具正知
慙愧多聞具善戒
普令獲得深法忍
成熟攝受諸群品
於其身命不顧惜
願獲諸佛勝功德

父王最上難得者 我所稱讚最上法
我從彼佛剎中來 還歸彼佛本因處
我等已住菩薩位 普能攝受諸善法
刹那獲得五神通 隨念隨觀意能曉
時彼持國轉輪聖王與宮嬪眷屬并二童子
智者菩薩以神通力趣虛空中同詣世尊無

邊功德寶衆莊嚴王如來會中到已各各頂
禮佛足一切衆會普伸尊敬是時彼佛觀二
童子是真佛子樂欲聽受菩提道法佛知其
意即為宣說甚深正法佛言善男子當知諸
法從緣所生中無主宰亦無作者知內是空
外無所行諸法皆空虛假無實於見於作應
悉清淨猶如虛空而無所取彼佛世尊如是
多種廣為宣說清淨法時會中有七十六那
度多及三俱胝人得無生法忍是時持國轉
輪聖王在佛會中經七晝夜作供養已與其
諸子并宮嬪眷屬於刹那間還本所居時彼
輪王後於一時獨處旃檀樓閣之中登於蓮

花師子之座竊作是念我此千子悉已安住
 阿耨多羅三藐三菩提法然於其中何者最
 先得成阿耨多羅三藐三菩提果我宜設法
 以驗其事作是念已即勅侍人用以七寶妙
 巧作瓶如其分量善施作已即命各書千子
 名字置寶瓶中復以七寶作妙蓮花於其花

中安置寶瓶然後於七晝夜廣以微妙香花
 塗香抹香等及鼓吹歌音嚴伸供養瓶中名
 字是時空中有十千天人助發種種妙供養
 事如是供養七晝夜已普召宮嬪眷屬及王
 千子并二童子咸集其前復以賢妙金床安
 置寶瓶安已即時勅遣侍人於寶瓶中取其

名字侍人如命瓶中首先取一名字前奉於
 王其名乃是清淨慧太子然後次第徧取其
 名即時於剎那間而此大地六種震動所有
 宮嬪先各執持諸妙樂器不鼓自鳴出妙歌
 音寂慧當知彼時清淨慧太子最先瓶中取
 其名者豈異人乎即是此賢劫中過去俱留

孫如來次於瓶中取一名字其名最勝軍太
 子者即是過去俱那含牟尼如來次於瓶中
 取一名字其名寂諸根太子者即是過去迦
 葉如來次於瓶中取一名字其名一切義成
 太子者寂慧當知即我身是次於瓶中取一
 名字其名寶帶太子者即當成佛號慈氏如

來次於瓶中取一名字其名牛王太子者即
 當成佛號師子如來次於瓶中取一名字其
 名電天太子者即當成佛號大幢如來次於
 瓶中取一名字其名賢王太子者即當成佛
 號妙花如來次於瓶中取一名字其名淨光
 吉祥太子者即當成佛號花氏如來次於瓶

中取一名字其名蓮花眼太子者即當成佛
 號善宿如來次於瓶中取一名字其名無垢
 光太子者即當成佛號妙眼如來次於瓶中
 取一名字其名淨池太子者即當成佛號妙
 臂如來次於瓶中取一名字其名慧王太子
 者即當成佛號明燄如來次於瓶中取一名

丁五

四

丁五

五

字其名善莊嚴太子者即當成佛號明珠如來次於瓶中取一名字其名增長分太子者即當成佛號導師如來次於瓶中取一名字其名淨嚴王太子者即當成佛號持勝功德如來次於瓶中取一名字其名吉祥密太子者即當成佛號勝財如來次於瓶中取一各

字其名妙光身太子者即當成佛號智積如來次於瓶中取一名字其名勇健太子者即當成佛號寶積如來次於瓶中取一名字其名寶稱太子者即當成佛號普光明如來寂慧當知如是等廣說彼千子中相繼而取乃至取二名字其名大峯莊嚴太子者即當成

佛號無邊功德寶稱如來寂慧唯一名字在寶瓶中最後取之其名無邊慧太子而此太子於千太子中居最小位是時諸兄或輕侮言我等諸兄當成佛時已作佛事已度有情汝於最後當何所作時無邊慧太子說伽陀曰

佛法無邊如虛空 有情及慧亦無盡
行願清淨戒薰修 當聽我說此行願
諸兄壽量若干數 王者衆會數若干
如我壽量總聚之 願當爾許聲聞衆
太子說是伽陀已 空中天人讚善哉
正士意樂淨周圍 利益有情無窮盡

寂慧當知彼時最小無邊慧太子者當得成佛號樂欲如來於賢劫中最後成佛寂慧所有賢劫中諸佛壽量及聲聞衆彼樂欲如來而悉當得是彼如來善樂欲故是故如來名為樂欲復次寂慧汝且觀是菩薩摩訶薩善巧方便圓具淨戒無毀大願滿足勝行彼諸太子九百九十九人乃至無邊慧太子如上功德皆悉成就是時彼千太子俱謂二童子菩薩言汝此法思法慧二善男子往昔發何殊勝願力今如是邪法思童子言諸仁者我與汝等皆如金剛手菩薩相續勝行不離一切如來無上祕密不離一切佛法聽受信解法慧童子言今

我諸兄具勝願力願我與汝悉證菩提成菩提已我皆勸請轉妙法輪如其願力於彼佛所受菩提記寂慧當知彼時持國轉輪聖王者豈異人乎即是然燈如來應供正等正覺往昔因中居輪王位時彼輪王千太子者即是此賢劫之中千佛如來從俱留孫如來至

樂欲如來古德下譯彼時法思童子於無毀宮女坐中化生者即是金剛手大秘密主菩薩摩訶薩神力所化彼時法慧童子於無比宮女坐中化生者即是尸棄梵王寂慧彼時持國轉輪聖王諸宮嬪者即是今此會中諸菩薩眾彼諸宮嬪亦時得王千子成熟化度而悉

不退轉於阿耨多羅三藐三菩提心安住大乘彼諸宮嬪次第當於此賢劫中受菩提記寂慧汝復應觀緣生之法理不相違善根諸因及發心勝行果無壞失今此會中諸菩薩大士皆能增長最勝意樂
佛說如來不思議秘密大乘經卷第五

佛說如來不思議秘密大乘經卷第六 丁六

要譯經藏朝散大夫試光祿卿光祿寺卿紫沙門日持等奉 詔譯

菩提道品第六

佛告寂慧菩薩言若諸菩薩摩訶薩欲證阿耨多羅三藐三菩提果者當學彼諸大士所行非但以其語言得最勝道要當真實修行

丁六

乃得菩提正道此中云何名菩提道謂於一切眾生無諸損害隨起慈心勤修波羅蜜多以四攝法普攝一切修四梵行動行三十七品菩提道法圓滿六種神通事業以善方便攝化眾生長養一切善根法行此說是名大菩提道

復次寂慧菩提道者所謂意樂信重深心清淨正直無諂心平等故行平等法不作諸罪故無諸怖畏彼菩提道增長法故即是布施波羅蜜多彼菩提道向安樂道故即是持戒波羅蜜多彼菩提道無損害故即是忍辱波羅蜜多彼菩提道建立諸法故即是精進波羅蜜多彼菩提道建立諸法故即是精進波